

Do-ní duine dia dá mhaoin

[Mac Cionnaith, L. *Dioghlum Dána*, Dublin, 1938, poem 22]

Donnchadh Mór Ó Dalaigh

1 Do-ní duine dia dá mhaoin;
ní fhuil ann acht dia díomhaoin
tar Mhac Dé na n-uile fhearr;
ní duine an té nach tuigfeadh.

2 Dia dá mhaoin is maирg do-ní;
cealg im Dhia nír bh'fhiu aoinní;
Mac Dé bhí le hóigh gan fhior
do b'é an rí dar cóir creideamh.

3 Creidealh gach duine dá dhia féin;
creidim-se d'oidhre an Fíréin,
Mac Dé dar mháthair Muire
bráthair na sé sochuidhe.

4 Eagail dóibh dá ndeachaidh so
i n-éadóchas ar Íosa
gach neach daidhbhir dá mbí ar bioth
nó gach rí saidhbhir sáitheach.

5 Guais don dís a-deirim féin
go mbeid is Íosa aimhréidh,
díol toile don té ghá mbí
's gidh bé nach oighe aoinní.

6 Ní háil le neach saidhbhir slán
Mac Dé d'fhaicsin uá d'iomrádh;
Rí na n-uile is na n-ógh ris
is lón do dhuine an daidhbhris.

7 Muire 's a Mac maille ris
bíd aige i n-íoc a dhaidhbhris;
fearr sin ná saidhbhreas eile
daidhbhreas fhir na haithrighe.

8 Duine do-gheibh lán a lámh
eagail dó dul ar seachrán;
is í an lámh fhalamh as fhearr
ler bh'ál anadh ó Ifearnan.

9 Cuid na gcomhursan - cúis trom -
biaidh dá hagra ar an anam;
biaidh an chalann 'n-a crumhaidh

's an t-anam ag osnadháigh

10 A-tá an corp dá chur i gcéill
go bhfuil 's an t-anam aimhréidh;
tarla fíoch éigin orra
síoth nach éidir eatorra.

11 Ná tréig neamh ar ní nach lat;
ní leat féin a bhfuil agat;
bíodh th'aire ar a n-abair sinn;
caidhe agaibh acht aislinn?

12 Gearr mhaireas [mláth] na hóige,
ná tréig teach na Tríonóide;
grás Muire ní théid i dtráigh,
ná tréig ar dhuille an domhnáin.

13 A dhuine chreideas dá chrodh
nó do dhia eile d'adhradh,
ní leat an teagh thall go bráth,
's ní headh an chlann ná an conách.

14 Ní leat an t-airgead 's an t-ór,
ní leat an ríghtheach romhór,
ní leat do chéile chubhuidh,
's ní leat féine a bhfuarobhair.

15 Tuigtheair libh nach libh na ba,
ní libh an t-ionnmhus iomdha,
ní leat 's ní lat an ghraigh,
ní leat an mac ná a mháthair.

16 Ní leat an baile 'n-a mbí,
ní leat an fonn i bhfuiltí,
ní leat an brat i mbí an corp,
do-chí nach lat an lubhghort.

17 A fhír shanntaigh ar a shon,
ar thiomsuigh tú san tsaothal,
ní mó ná an brá lín as libh
no má tá brígh sa bhrait-sin.

18 Dá mbeinn ag seanmóir mar sin
daoibh go deireadh an domhain
ní fiu an corp a léigir leis,
ní héidir a olc d'aithris.

19 Seachain mé ar gach olc eile
rem ré, a Mheic na maighdeine;

seachain mo ghnúis ar bhaos ban,
ar chraos, ar dhrúis do dhéanamh.

20 A Mheic Mhuire, seachain sinn
ar theas is ar fhuacht Ifrinn;
seachain mé ar cheilg óm chridhe,
's rem ré ar fheirg gan aithrighe.

21 Nír thuill tu-sa - ní tú a-mháin -
grás Dé let óige d'fhagháil;
grás na maighdine sir so
a fhir aingidhe aosdo. Do-ní.